

Na osnovu člana 87. Pravila JU Osnovne škole "Mirsad Prnjavorac" Vogošća i člana 94. Zakona o osnovnom odgoju i obrazovanju Kantona Sarajevo ("Službene novine Kantona Sarajevo", broj:23/17,33/17 i 30/19), Školski odbor na XXV redovnoj sjednici održanoj dana 02.08.2019.godine donosi

P R A V I L N I K O DAVANJU NA KORIŠTENJE ŠKOLSKOG PROSTORA

Član 1.

Ovaj Pravilnik reguliše način i uvjete pod kojima JU Osnovna škola „Mirsad Prnjavorac“ Vogošća (u daljnjem tekstu: Škola) daje na korištenje školski prostor (u daljnjem tekstu: prostor).

Član 2.

Škola može davati na privremeno korištenje pravnim subjektima, udruženjima i pojedincima (u daljnjem tekstu: Korisnik) školski prostor: veliku i malu fiskalnu salu, učionicu i prostoriju za distribuciju đачkih užina na način i pod uslovom da se ne ometa redovan nastavni proces.

Član 3.

Škola daje prostor na privremeno korištenje, pod uvjetom da se naknada za korištenje uplaćuje svaki mjesec na žiro račun Škole te da se privremenim korištenjem školskih prostorija poštuju pravila Kućnog reda Škole.

Član 4.

Zahtjev za davanje prostora na privremeno korištenje Korisnik podnosi Školi u pisanom obliku. Zahtjev mora sadržavati:

- podatke o Korisniku (uz priložene dokaze),
- podatke o prostoru za koji se podnosi zahtjev,
- vremensko razdoblje i dužinu trajanja privremenog korištenja, vrstu aktivnosti, poslova ili djelatnosti za koju Korisnik podnosi zahtjev

Član 5.

Ugovor o davanju prostora na privremeno korištenje sadrži obvezno:

- podatke o ugovornim stranama,
- podatke o prostoru koji se daje na privremeno korištenje i aktivnostima ili djelatnosti koju Korisnik može obavljati u prostoru,
- iznos novčane naknade za privremeno korištenje prostora i način plaćanja
- otklanjanje eventualnih šteta,
- vrijeme trajanja privremenog korištenja prostora,
- eventualne pogodnosti u visini naknade (davanje po jednog besplatnog termina sportskim klubovima u cilju što većeg angažovanja djece u sportskim aktivnostima i doprinosu razvoja u Općini Vogošća),
- odredbe o prestanku ugovora.

Član 6.

Cijena korištenja školskog prostora iznosi:

-Velika fiskulturna sala-----	20,00 KM za jedan sat
-Mala fiskulturna sala-----	15,00 KM za jedan sat
-Učionica-----	10,00 KM za jedan sat
-Prostor za distribuciju đlačkih ušina-----	500,00 KM za jedan mjesec

Član 7.

Za korištenje školskog prostora korisnici iz člana 2. ovog Pravilnika plaćaju naknadu određenu članom 5. Pravilnika o kriterijima za sticanje i raspodjelu vlastitih prihoda JU OŠ „Mirsad Prnjavorac" Vogošća.

Član 8.

Ugovor o korištenju školskog prostora sklapa se na određeno vrijeme odnosno za tekuću školsku godinu.

Član 9.

U vrijeme korištenja školskog prostora odgovorna osoba je Korisnik, odnosno potpisnik Ugovora o korištenju prostora.

Član 10.

Korisnici školskog prostora dužni su korištenje usluge platiti do 10. u mjesecu po primljenom računu, za prethodni mjesec.

Korisnici školskog prostora odgovaraju za eventualno nastalu štetu te su istu dužni podmiriti i školski prostor vratiti u prvobitno stanje.

Član 11.

U slučaju neplaćanja računa za korištenje usluga, Škola ima pravo raskinuti Ugovor o korištenju školskog prostora.

U slučaju nepridržavanja Kućnog reda od strane bilo kojeg Korisnika ovlaštena osoba Škole može zatražiti udaljavanje osobe koja krši kućni red ili u slučaju većih nereda udaljavanje svih osoba iz školskog prostora.

U slučaju ponovljenog kršenja i nepridržavanja kućnog reda Škola može raskinuti Ugovor o korištenju školskog prostora.

Član 12.

Korisnik školskog prostora ne može ući u u dvoranu-fiskulturnu salu prije početka ugovorenog termina, a dužan je izaći iz školskih prostorija odmah po isteku ugovorenog termina.

Član 13.

O eventualnim oštećenjima, kvarovima, nedostacima i primjedbama Korisnik usluge obavještava sekretara škole ili domara.

U slučaju da ugovoreni termin korištenja školih prostorija nije osiguran od strane Škole, Korisnik usluge može tražiti novi termin ili raskinuti ugovor o korištenju.

Član 14.

Prihode koje Škola ostvari od davanja prostora na privremeno korištenje Škola koristi u skladu sa članom 10. Pravilnika o kriterijima za sticanje i raspodjelu vlastitih prihoda JU OŠ „Mirsad Prnjavorac“ Vogošća.

Član 15.

Ovaj Pravilnik o korištenju školskog postora stupa na snagu danom donošenja, kada prestaje da važi Pravilnik o davanju na korištenje školskog prostora JU OŠ "Mirsad Prnjavorac" Vogošća broj: 01-1343/2018 od 27.09.2018. godine.

Pravilnik će biti objavljen na oglasnoj ploči škole.

Broj:01-758-1/19

Datum: 02.08.2019. godine



Bosna i Hercegovina
Federacija Bosne i Hercegovine
Kanton Sarajevo
Općina Vogošća
JU OŠ "Mirsad Prnjavorac" Vogošća
Jošanička 51, Vogošća

Sekretar: 

Broj:01-758/19
Dana, 02.08.2019.godine

Na osnovu člana 94. Zakona o osnovnom odgoju i obrazovanju Kantona Sarajevo („Službene novine KS“ br. 23/17,33/17 i 30/19), člana 87. Pravila JU OŠ "Mirsad Prnjavorac" Vogošća, Školski odbor na XXV redovnoj sjednici održanoj dana 02.08.2019. godine donosi

ODLUKU

I

Usvaja se Pravilnik o davanju na korištenje školskog prostora JU Osnovna škola "Mirsad Prnjavorac" Vogošća.

II

Odluka stupa na snagu danom donošenja kada prestaje da važi Pravilnik o davanju na korištenje školskog prostora JU OŠ "Mirsad Prnjavorac" Vogošća broj: 01-1343/2018 od 27.09.2018. godine.



Predsjednik Školskog odbora

Emir Kafadžija, MA

Dostavljeno:

1. Direktorici
2. Na oglasnu tablu
3. Arhiva